



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitularia Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

Ejusdem constitutio de emendatione librorum & officiorum
ecclesiasticorum.

urn:nbn:de:hbz:466:1-19366

rum ad intelligentium sapientia. Et bene novimus omnes quia quamvis periculosi sint errores verborum, multò periculofiores sunt errores sensuum. Quamobrem hortamus vos litterarum studia non solum non negligere, verum etiam humillima & Deo placita intentione ad hoc certatum dicere ut facilis & rectius divinarum scripturarum mysteria valeatis penetrare. Cūm autem in sacris paginis schemata, tropi, & cetera his similia inserta inveniantur, nulli dubium est quod ea uniusquisque legens tanto citius spiritualiter intelligit quanto prius in litterarum magisterio plenus instrutus fuerit. Tales vero ad hoc opus viri eligantur qui & voluntatem & possibilitatem discendi & desiderium habent alios instruendi. Et hoc tantum ea intentione agatur qua devotione à nobis præcipitur. Optamus enim vos, sicut dicit Ecclesiæ milites, & interius devotos & exterius doctos catolicosque bene vivendo, & scholasticos bene loquendo, ut quicunque vos propter nomen Domini & sanctæ conversationis nobilitatem ad videndum expeterit, sicut de aspectu vestro adificatur visus, ita quoque de sapientia vestra, quam in legendō seu cantando perceperit, instrutus, omnipotenti Domino gratias agendo gaudens redeat. Hujus itaque epistola exemplaria ad omnes suffragantes tuos coepiscopos & per universa monasteria dirigī non negligas, si gratiam nostram habere vis. Et nullus monachus foris monasterio judicaria teneat, nec per mallos & publica placita pergar. Legens valeat.

C O N S T I T U T I O D E E M E N D A T I O N E L I B R O R V M E T O F F I C I O R V M E C C L E S I A S T I C O R V M .

K Arolus Dei fretus auxilio Rex Francorum & Longobardorum ac Patricius Romanorum religiosis lectoribus nostris ditioni subiectis. Cūm nos divina semper domi forsique clementia sive in bellorum eventibus sive in pacis tranquillitate custodiat, et si rependere quicquam ejus beneficiis tenuitas humana non prævaler, quia est inastimabilis misericordia Deus noster, devotas suæ servituti benigne approbat voluntates. Igitur quia curæ nobis est ut nostrarum Ecclesiarum ad meliora semper proficiat status, oblitteratam penè majorum nostrorum desidia reparare vigilante studio literarum satagimus officinam, & ad pernoscenda studia liberalium artium nostro etiam quos possumus invitamus exemplo. inter quæ jampridem universos veteris ac novi instrumenti libros librariorū imperitia depravatos, Deo nos in omnibus adjuvante, examissim corrimus. Accensi præterea memoriae venerandæ Pippini genitoris nostri exemplis, qui toras Galliarum Ecclesias Romanæ traditionis suo studio cantibus decoravit, nos nihilominus solerti easdem curamus intuitu præcipuarum insignire serie lectionum. Denique quia ad nocturnale officium compilatas quorundam casso labore, licet recto intuitu, minus tamen idoneo, reperimus lectiones, quippe quæ & sine auctorū suorum vocabulis essent positæ, & infinitis vitoriis anfractibus scaterent, non sumus passi nostris in diebus in divinis lectionibus inter sacra officia inconsontantes perstrepere sollicitos, atque earundem lectionum in melius reformare tramitem mentem intendimus. Idque opus Paulo Diacono familiari clientulo nostro

elmandum injunximus. scilicet ut studiosè catholicorum patrum dicta percurrentes, veluti è lectissimis eorum pratis certos quoque flosculos legeret, & in unum quæque essent utilia quasi fertum aptaret. Qui nostræ celitutini devote parere desiderans, tractatus atque sermones diversorum catholicorum patrum perlegens, & optimâ quæque decerpens, in duobus voluminibus per totius anni circulum congruentes cuique festivitatî distinctè & absque vitiis nobis obtulit lectio[n]es. Quarum omnium textum nostra sagacitate perpendentes, nostra eadem volumina auctoritate constabilimus, vestraeque religioni in Christi Ecclesiis tradimus ad legendum.

ADMONITIO

De sequenti Capitulari Bajuvariorum.

FOEDIFRAGVS ille Dux Bajuvariorum Thaſilo cùm fidem Karolo Magno promissam levitate sua ſepe mutat[er], novâſque insuper res ab uxore Luitpurga perfuſas adversis eum moliretur, tandem de principatu ab eo ejectus est anno Christi septingentesimo octuagesimo octavo, ut ait continuator Pauli Diaconi à Marquardo Frebero editus. Nam Karolus audito Thaſilonem concitasse Hunnos seu Avaros ut bellum Franci inferrent, multaque alia, ut Eginhardus scribit, dixisse & fecisse que nonniſi ab inimico & irato vel fieri vel proferri poterant, habito generali populi ſui convenu in villa Ingelenheimensi juxta Moguntiam, in quo, ut Marcus Velserus tradit, Franci, Boii, Langobardi, Saxones, ceterique provinciales convenero, & accusatores audiuit, & reum peregit. Cùm nullum accusationis caput negaretur, uno omnium adſensu, inquit Eginhardus, ut læſa majestatis reus capitali sententia damnatus est. Sed clementia Regis licet morti addictum liberare curavit. Nam mutato habitu in monasterium missus est, ubi tam religiosè vixit quâm libens intravit. Ista ultima Eginhardi verba, que apud Amoinum quoque leguntur, Velserus acris iudicio preditionis vir dubiam apprime & ancipitem sententiam vocat, sed quam domestici annales opportune in commodiorem partem interpretantur, numirum eluisse benefactis superiores maculas. Sanè Thaſilonem postea obscuram admodum vitam duxisse hinc manifeste colligitur quod nondum inter auctores conſtat de monasterio in quod proiectus est ad agendam penitentiam. Ac si verum est eum in Gemmeticensi monasterio vitam finisse, ſalfa omnino ſunt que de prodigiis & miraculis ad sepulchrum ejus patratis vulgo circumferuntur. Vt cunque ſe res habeat, certum est illum principatu exutum ut perduellionis reum, vacuan fecisse provinciam. Eam Karolus non ita multò poſt ordinavit, deſcriptâmque Comitibus hoc est judicibus regendam tradidit, legisque veteribus addendas proposuit Reginoburgi in Bajoaria, quas Velserus ex veterum membranis edidit in libro quinto rerum Boicarum. Sunt autem illæ quas nos heic exhibemus.



BRUTTIA